

特頒帑金修建

御製修報恩寺塔初畢登之詩一首

恭紀首卷

附明盛時泰塔

賦

出都門以游衍兮經長干之故墟瞻寶塔之萃筆兮

內之三珠得函中之半髮光煜燿而亂輝色青紺而騰

發惟金粟之自炯出玉毫而普現乃寶氣之燭幽故慈

光之上燁歷塵劫而獨存超人天以自展惟明祖之龍

興兮振大法於將隳既離明之繼照兮拓弘基而建之

念櫛沐之久劬兮哀罔極之難報證寶地以舒虔兮仰

提慈而洞照發睿念於淵衷兮沛綸音於天詔遂乃近

徵畿甸遠募荒陲盡甄工之意巧極目匠之伎奇準宮

闕以立極擬路寢而築基備百制之儲萃煥五色之威

蕤飾隨材而殊質彩呈體而異施盤后土以奠方兮浚

重泉而作鎮擁蓮趺以旋規兮列朱楹而作證映紺殿

以孤蹇兮超躡廊而直踰出木末以高標兮踰臺顛而

獨峻故遠而視之則噌嶮嵒嵒一何高也崢嶸巖巖又

何麗也嶧嶧嵒嵒誠可駭也嶙峋燿燿亦何異也玲瓏

恍煥炫輝晰晰若海藏之涌生焉巍巍嵒嵒紛葩爛熳

若空界之幻成焉竦露盤於雲中兮峙金相於天闕開

八戶以翕施兮盤九曲而截業剛風寥寥拂其上兮灝